

药师琉璃光如来本愿功德经

香赞

炉香乍爇 法界蒙薰 诸佛海会悉遥闻

随处结祥云 诚意方殷 诸佛现全身

南无香云盖菩萨摩訶萨（三称）

净三业真言

唵 娑嚩婆嚩秫驮 娑嚩达摩 娑嚩婆嚩秫度憾

净身业真言

唵 修哆唎 修哆唎 修摩唎 修摩唎 娑婆诃

净口业真言

唵 修唎 修唎 摩诃修唎 修修唎 娑婆诃

净意业真言

唵 嚩(wā)日囉 怛诃贺斛(hú)

安土地真言

南无三满多 母驮喃 唵 度嚧度嚧 地尾 娑婆诃

普供养真言

唵 誝誝曩 三婆嚩(wā) 祿(wà)日囉(là)斛(hú)

发愿文

稽首三界尊，皈依十方佛，我今发宏愿，
持此药师经，上报四重恩，下济三途苦，
若有见闻者，悉发菩提心，尽此一报身，
同生极乐国，亲觐大慈父，殷勤闻真谛，
学习狮子吼，回返娑婆地，度众脱苦海，
弘法利群迷。

药师佛赞

皈命满月界，净妙琉璃尊。
法药救人天，因中十二愿。
慈悲宏誓广，愿度众含生。
我今申赞扬，志心头面礼。

奉请十二药叉大将

奉请：宫毗罗大将。奉请：伐折罗大将。

奉请：迷企罗大将。奉请：安底罗大将。

奉请：颯你罗大将。奉请：珊底罗大将。

奉请：因达罗大将。奉请：波夷罗大将。

奉请：摩虎罗大将。奉请：真达罗大将。

奉请：招杜罗大将。奉请：毗羯罗大将。

奉请八大菩萨

奉请：文殊师利菩萨。奉请：观世音菩萨。

奉请：得大势菩萨。奉请：无尽意菩萨。

奉请：宝檀华菩萨。奉请：药王菩萨。

奉请：药上菩萨。奉请：弥勒菩萨。

南无本师释迦牟尼佛（三称）

南无药师琉璃光如来（三称）

南无药师会上佛菩萨（三称）

开经偈

无上甚深微妙法 百千万劫难遭遇

我今见闻得受持 愿解如来真实义

药师琉璃光如来本愿功德经

唐三藏法师玄奘奉诏译

如是我闻。一时，薄伽（gā）梵（fàn）游化诸
国，至广严城，住乐（yuè）音树下，与大苾
（bì）芻（chú）众，八千人俱。 菩萨摩诃（hē）
萨三万六千，及国王、大臣、婆罗门、居士，天、
龙、药叉，人非人等，无量大众，恭敬围绕，而为
（wèi）说法。

尔时，曼殊室利法王子，承佛威神，从座而起，偏
袒（tǎn）一肩，右膝著（zhuó）地，向薄伽梵，
曲（qū）躬（gōng）合掌， 白言：“世尊，惟愿
演说如是相（xiāng）类诸佛名号，及本大愿，殊
胜功德，令诸闻者，业障消除。为欲利乐（lè）像
法转（zhuǎn）时，诸有情故。”

尔时，世尊赞曼殊室利童子言：“善哉，善哉。曼
殊室利，汝以大悲，劝请我说诸佛名号，本愿功
德，为拔业障所缠（chán）有情，利益安乐

（lè），像法转时，诸有情故。汝今谛（dì）听，极
善思惟，当为（wèi）汝说。”曼殊室利言：“唯
（wěi）然愿说，我等乐（yào）闻。”

佛告曼殊室利：“东方去此，过十殍（jìng）伽沙
等佛土，有世界名净琉璃，佛号药师琉璃光如来、
应（yīng）、正等觉、明行圆满、善逝、世间解、
无上士、调（tiáo）御（yù）丈夫、天人师、佛、

薄伽梵。

曼殊室利，彼世尊药师琉璃光如来，本行（xíng）菩萨道时，发十二大愿，令诸有情，所求皆得。

第一大愿：愿我来世得阿耨（nòu）多罗三藐（miǎo）三菩提时，自身光明炽（chì）然，照耀（yào）无量无数无边世界。以三十二大丈夫相，八十随好（hǎo），庄严其身。令一切有情，如我无异。

第二大愿：愿我来世得菩提时，身如琉璃，内外明彻（chè），净无瑕（xiá）秽（huì），光明广大，功德巍巍，身善安住，焰网（wǎng）庄严，过于日月。幽冥（míng）众生，悉蒙开晓，随意所趣（qū），作诸事业。

第三大愿：愿我来世得菩提时，以无量无边智慧方便，令诸有情，皆得无尽所受用物，莫令众生有所乏少（shǎo）。

第四大愿：愿我来世得菩提时，若诸有情，行（xíng）邪道者，悉令安住，菩提道中。若行声闻、独觉乘（shèng）者，皆以大乘，而安立之。

第五大愿：愿我来世得菩提时，若有无量无边有情，于我法中，修行梵行，一切皆令，得不缺戒，具三聚戒。设有毁犯，闻我名已，还（huán）得清净，不堕恶趣（qū）。

第六大愿：愿我来世得菩提时，若诸有情，其身下劣，诸根不具，丑（chǒu）陋（lòu）顽愚、盲聋（lóng）瘖（yīn）哑（yǎ）、挛（luán）蹇（bi）背伛（lǒu）、白癞癲狂、种种病苦。闻我名已，一切皆得，端正黠（xiá）慧，诸根完具，无诸疾苦。

第七大愿：愿我来世得菩提时，若诸有情，众病逼切，无救无归，无医无药，无亲无家，贫穷多苦。我之名号，一经其耳，众病悉除，身心安乐。家属资具，悉皆丰足。乃至证得，无上菩提。

第八大愿：愿我来世得菩提时，若有女人，为女百恶之所逼恼，极生厌离，愿舍女身。闻我名已，一切皆得，转女成男，具丈夫相，乃至证得无上菩提。

第九大愿：愿我来世得菩提时，令诸有情，出魔网（juàn）网，解脱一切外道缠缚（fù）。若堕种种恶见稠（chóu）林，皆当引摄置于正见，渐令修习

诸菩萨行，速证无上正等菩提。

第十大愿：愿我来世得菩提时，若诸有情，王法所录，绳缚鞭撻（tà），系（xì）闭牢狱，或当刑戮（lù），及余无量，灾难凌辱，悲愁煎迫，身心受苦。若闻我名，以我福德威神力故，皆得解脱一切忧苦。

第十一大愿：愿我来世得菩提时，若诸有情，饥渴所恼，为求食故，造诸恶业。得闻我名，专念受持，我当先以，上妙饮食，饱足其身。后以法味，毕竟安乐，而建立之。

第十二大愿：愿我来世得菩提时，若诸有情，贫无衣服，蚊虻（méng）寒热，昼夜逼恼。若闻我名，专念受持，如其所好（hào），即得种种上妙衣服，亦得一切宝庄严具，华鬘（mán）涂香，鼓乐（yuè）众伎（jì），随心所玩，皆令满足。

曼殊室利，是为彼世尊药师琉璃光如来、应、正等觉，行菩萨道时，所发十二微妙上愿。”

“复次，曼殊室利，彼世尊药师琉璃光如来，行菩萨道时所发大愿，及彼佛土功德庄严，我若一劫，若一劫余，说不能尽。

然彼佛土，一向清淨，无有女人，亦无恶趣，及苦音声。琉璃为地，金绳界道，城阙（què）宫阁、轩窗罗网，皆七宝成。亦如西方极乐世界，功德庄严，等无差别。

于其国中，有二菩萨摩訶萨： 一名日光遍（biàn）照，二名月光遍照，是彼无量无数菩萨众之上首，悉能持彼世尊药师琉璃光如来，正法宝藏（zàng）。

是故曼殊室利，诸有信心善男子、善女人等，应当愿生，彼佛世界。”

尔时，世尊复告曼殊室利童子言：“曼殊室利，有诸众生，不识善恶，唯怀贪悋（lìn），不知布施，及施果报，愚痴无智，缺于信根，多聚财宝，勤加守护。见乞者来，其心不喜。设不获已而行施时，如割身肉，深生痛惜。

复有无量慳（qiān）贪有情，积（jī）集资财，于其自身，尚不受用，何况能与，父母妻子、奴婢（bì）作使、及来乞者？彼诸有情，从此命终，生饿鬼界，或傍（páng）生趣。

由昔人间，曾得暂闻药师琉璃光如来名故，今在恶趣，暂得忆念彼如来名，即于念时，从彼处没

（mò），还（huán）生人中。得宿（sù）命念，畏恶趣苦。不乐（yào）欲乐（lè），好（hào）行惠施，赞叹施者。一切所有，悉无贪惜。渐次尚能以头目手足、血肉身分（fèn）施来求者，况余财物。

复次，曼殊室利，若诸有情，虽于如来受诸学处，而破尸罗。有虽不破尸罗，而破轨则。有于尸罗、轨则，虽得不坏，然毁正见。有虽不毁正见，而弃多闻，于佛所说，契经深义，不能解了。有虽多闻，而增上慢。由增上慢，覆蔽心故，自是非他，嫌谤正法，为魔伴党。如是愚人，自行邪见，复令无量俱胝（zhī）有情，堕大险坑。此诸有情，应于地狱、傍生、鬼趣，流转无穷。

若得闻此药师琉璃光如来名号，便舍恶行，修诸善法，不堕恶趣。设有不能，舍诸恶行，修行善法，堕恶趣者，以彼如来本愿威力，令其现前暂闻名号，从彼命终，还（huán）生人趣。得正见精进，善调（tiáo）意乐（lè）。便能舍家，趣（qū）于非家。如来法中，受持学处，无有毁犯。正见多闻，解甚深义，离增上慢，不谤正法，不为魔伴。渐次修行诸菩萨行，速得圆满。

复次，曼殊室利，若诸有情，慳贪嫉（jī）妒（dù），自赞毁他，当堕三恶趣中，无量千岁，受诸剧苦。受剧苦已，从彼命终，来生人间，作牛马驼（tuó）驴（lú），恒被鞭撻（tà），饥渴逼恼。又常负重，随路而行。或得为人，生居下贱，作人奴婢，受他驱役，恒不自在。

若昔人中，曾闻世尊药师琉璃光如来名号，由此善因，今复忆念，至心归依。以佛神力，众苦解脱，诸根聪利，智慧多闻，恒求胜法，常遇善友，永断魔网（juàn），破无明壳（ké），竭（jié）烦恼河，解脱一切生老病死，忧悲苦恼。

复次，曼殊室利，若诸有情，好喜乖离，更（gēng）相斗讼（sòng），恼乱自他，以身语意，造作增长，种种恶业，展转常为，不饶益事，互相谋害。告召（zhào）山林、树冢（zhǒng）等神。杀诸众生，取其血肉，祭祀（sì）药叉、罗刹（chà）娑（suō）等。书怨人名，作其形像，以恶咒术，而咒诅（zǔ）之。厌（yǎn）魅蛊（gǔ）道，咒起尸鬼，令断彼命，及坏其身。

是诸有情，若得闻此药师琉璃光如来名号，彼诸恶事，悉不能害。一切展转，皆起慈心。利益安乐，无损恼意，及嫌（xián）恨心。各各欢悦，于自所受，生于喜足。不相侵凌，互为饶益。

复次，曼殊室利，若有四众：苾芻、苾芻尼、邬波索迦、邬波斯迦，及余净信善男子、善女人等，有能受持八分（fēn）斋戒，或经一年，或复三月，受持学处，以此善根，愿生西方，极乐世界，无量寿佛所，听闻正法，而未定者。若闻世尊药师琉璃光如来名号，临命终时，有八菩萨，其名曰：文殊师利菩萨、观世音菩萨、得大势菩萨、无尽意菩萨、宝檀华菩萨、药王菩萨、药上菩萨、弥勒菩萨。是八大菩萨，乘（chéng）神通来，示其道路，即于彼界，种种杂色，众宝华中，自然化生。

或有因此生于天上，虽生天中，而本善根亦未穷尽，不复更（gèng）生诸余恶趣。天上寿尽，还生人间，或为轮王，统摄四洲，威德自在，安立无量百千有情，于十善道。或生刹帝利、婆罗门、居士大家，多饶财宝，仓库盈溢，形相端严，眷属具足，聪明智慧，勇健威猛，如大力士。

若是女人，得闻世尊药师如来名号，至心受持，于后不复更受女身。

复次，曼殊室利，彼药师琉璃光如来，得菩提时，由本愿力，观诸有情，遇众病苦，瘦疟（nūè）、干（gān）消、黄热等病，或被魇（yǎn）魅、蛊

（gǔ）道所中（zhòng），或复短命，或时横
（hèng）死，欲令是等，病苦消除，所求愿满。

时彼世尊入三摩地，名曰灭除一切众生苦恼。既入
定已，于肉髻（jì）中，出大光明，光中演说，大
陀罗尼咒曰：

南谟薄伽伐帝 鞞杀社 娑嚧 薜琉璃 钵喇婆 曷啰阇
也 怛他揭多也 阿啰喝帝 三藐三勃陀耶 怛侄他
唵 鞞杀逝 鞞杀逝 鞞杀社 三没揭帝 莎诃

尔时，光中说此咒已，大地震动，放大光明，一切
众生，病苦皆除，受安隐（wǎn）乐。

曼殊室利，若见男子、女人，有病苦者，应当一
心，为彼病人，清淨澡漱（shù），或食、或药、
或无虫水，咒一百八遍，与彼服食，所有病苦，
悉皆消灭。若有所求，至心念诵，皆得如意，无病
延年。命终之后，生彼世界，得不退转，乃至菩
提。

是故曼殊室利，若有男子、女人，于彼药师琉璃光
如来，至心殷（yīn）重，恭敬供养者，常持此咒，
勿令废忘。

复次，曼殊室利，若有净信男子、女人，得闻药师琉璃光如来、应、正等觉，所有名号，闻已诵持。晨嚼齿木，澡漱清淨，以诸香华、末香、烧香、涂（tú）香，作众伎乐，供养形像。于此经典，若自书，若教人书，一心受持，听闻其义。于彼法师应修供养，一切所有资身之具，悉皆施与，勿令乏少（shǎo）。如是便蒙诸佛护念，所求愿满，乃至菩提。”

尔时，曼殊室利童子白佛言：“世尊，我当誓于像法转（zhuǎn）时，以种种方便，令诸净信善男子、善女人等，得闻世尊药师琉璃光如来名号，乃至睡中，亦以佛名，觉悟其耳。

世尊，若于此经，受持读诵，或复为他，演说开示。若自书，若教人书。恭敬尊重，以种种华香、涂香、末香、烧香、华鬘（mán）、璎（yīng）珞（luò）、幡（fān）盖、伎乐，而为供养。以五色彩（cǎi），作囊盛（chéng）之。扫洒淨处，敷（fū）设高座，而用安处。尔时，四大天王与其眷属，及余无量百千天众，皆诣（yì）其所，供养守护。

世尊，若此经宝，流行之处，有能受持，以彼世尊药师琉璃光如来本愿功德，及闻名号，当知是处无

复横（hèng）死。亦复不为诸恶鬼神，夺其精气。设已夺者，还得如故，身心安乐。”

佛告曼殊室利：“如是，如是！如汝所说。曼殊室利，若有净信善男子、善女人等，欲供养彼世尊药师琉璃光如来者，应先造立，彼佛形像，敷清净座而安处（chǔ）之。散（sàn）种种华，烧种种香，以种种幢（chuáng）幡庄严其处。七日七夜，受八分斋戒。食清净食，澡浴香洁，著新净衣。应生无垢浊心，无怒害心，于一切有情，起利益安乐，慈悲喜舍，平等之心。鼓乐歌赞，右绕佛像。

复应念彼如来本愿功德，读诵此经，思惟其义，演说开示。随所乐（yào）愿，一切皆遂（suì）：求长寿得长寿，求富饶得富饶，求官位得官位，求男女得男女。

若复有人，忽得恶梦，见诸恶相，或怪鸟来集，或于住处，百怪出现。此人若以众妙资具，恭敬供养彼世尊药师琉璃光如来者，恶梦恶相，诸不吉祥，皆悉隐没（mò），不能为患。

或有水火、刀毒悬嶮（xiǎn）、恶象师子、虎狼熊罴（pí）、毒蛇恶蝎（xiē）、蜈蚣蚰（yóu）蜒（yán）、蚊虻等怖，若能至心，忆念彼佛，恭敬

供养，一切怖畏，皆得解脱。若他国侵扰，盗贼反乱，忆念恭敬彼如来者，亦皆解脱。

复次，曼殊室利，若有净信善男子、善女人等，乃至尽形不事余天，唯当一心，归佛法僧，受持禁戒。若五戒、十戒、菩萨四百戒、苾芻二百五十戒、苾芻尼五百戒，于所受中，或有毁犯，怖堕恶趣，若能专念，彼佛名号，恭敬供养者，必定不受三恶趣生。

或有女人，临当产时，受于极苦。若能至心，称名礼赞，恭敬供养，彼如来者，众苦皆除。所生之子，身分具足，形色端正，见者欢喜，利根聪明，安隐少病，无有非人，夺其精气。”

尔时，世尊告阿难言：“如我称扬彼佛世尊药师琉璃光如来所有功德，此是诸佛，甚深行处，难可解了，汝为信不（fǒu）？”

阿难白言：“大德世尊，我于如来所说契经，不生疑惑。所以者何？一切如来，身语意业，无不清净。世尊，此日月轮，可令堕落，妙高山王，可使倾动，诸佛所言，无有异也。

世尊，有诸众生，信根不具，闻说诸佛，甚深行处，作是思惟：云何但念药师琉璃光如来，一佛

名号，便获尔所功德胜利？由此不信，反生诽谤。彼于长夜，失大利乐。堕诸恶趣，流转无穷。”

佛告阿难：“是诸有情，若闻世尊药师琉璃光如来名号，至心受持，不生疑惑，堕恶趣者，无有是处。

阿难，此是诸佛甚深所行，难可信解。汝今能受，当知皆是，如来威力。

阿难，一切声闻、独觉，及未登地诸菩萨等，皆悉不能如受信解，唯除一生所系（xì）菩萨。

阿难，人身难得。于三宝中，信敬尊重，亦难可得。得闻世尊药师琉璃光如来名号，复难于是。

阿难，彼药师琉璃光如来，无量菩萨行，无量善巧方便，无量广大愿，我若一劫，若一劫余，而广说者，劫可速尽，彼佛行愿，善巧方便，无有尽也。”

尔时，众中有一菩萨摩訶萨，名曰救脱，即从座起，偏袒一肩，右膝著地，曲躬合掌而白佛言：

“大德世尊，像法转时，有诸众生，为种种患之所困厄，长病羸（léi）瘦，不能饮食，喉唇干燥，见诸方暗，死相现前。父母亲属、朋友知识，啼（tí）泣（qì）围绕。

然彼自身，卧在本处，见琰（yǎn）魔使，引其神识，至于琰魔法王之前。然诸有情，有俱生神，随其所作，若罪若福，皆具书之，尽持授与琰魔法王。尔时，彼王推问其人，算计所作 随其罪福，而处（chǔ ）断之。

时彼病人亲属、知识，若能为彼归依世尊药师琉璃光如来，请诸众僧，转（zhuǎn）读此经，然七层之灯，悬五色续命神幡，或有是处，彼识得还。如在梦中，明了自见。或经七日，或二十一日，或三十五日，或四十九日，彼识还时，如从梦觉，皆自忆知，善不善业，所得果报。

由自证见业果报故，乃至命难（nàn），亦不造作诸恶之业。

是故净信善男子、善女人等，皆应受持药师琉璃光如来名号，随力所能，恭敬供养。”

尔时，阿难问救脱菩萨曰：“善男子，应云何恭敬供养彼世尊药师琉璃光如来？续命幡灯，复云何造？”

救脱菩萨言：“大德，若有病人，欲脱病苦，当为其人，七日七夜，受持八分斋戒。应以饮食，及余资具，随力所办，供养苾芻僧。昼夜六时，礼拜供

养彼世尊药师琉璃光如来，读诵此经四十九遍。然四十九灯，造彼如来形像七躯，一一像前各置七灯，一一灯量大如车轮，乃至四十九日光明不绝。造五色彩幡，长四十九搩（zhé）手。应放杂类众生，至四十九。可得过度危厄之难，不为诸横（hèng）恶鬼所持。

复次，阿难，若刹帝利、灌顶王等，灾难起时，所谓人众疾疫难，他国侵逼难，自界叛逆难，星宿（xiù）变怪难，日月薄蚀（shí）难，非时风雨难，过时不雨难。彼刹帝利、灌顶王等，尔时应于一切有情起慈悲心，赦（shè）诸系闭。依前所说供养之法，供养彼世尊药师琉璃光如来。由此善根，及彼如来本愿力故，令其国界即得安隐。风雨顺时，谷稼成熟。一切有情，无病欢乐。于其国中，无有暴恶药叉等神，恼有情者。一切恶相，皆即隐（yǐn）没（mò）。而刹帝利、灌顶王等，皆得增益，寿命色力，无病自在。

阿难，若帝后妃（fēi）主、储君王子、大臣辅相、中宫嫔女、百官黎庶，为病所苦，及余厄难，亦应造立，五色神幡，然灯续明，放诸生命，散（sàn）杂色华，烧众名香，病得除愈，众难解脱。”

尔时，阿难问救脱菩萨言：“善男子，云何已尽之命而可增益？”

救脱菩萨言：“大德，汝岂不闻如来说有九横死耶（yé）？是故劝造续命幡灯，修诸福德。以修福故，尽其寿命，不经苦患。”

阿难问言：“九横云何？”

救脱菩萨言：“有诸有情，得病虽轻，然无医药，及看（kān）病者。设复遇医，授以非药，实不应死，而便横死。又信世间邪魔、外道、妖孽之师，妄说祸福，便生恐动，心不自正，卜问觅祸，杀种种众生，解奏神明，呼诸魍（wǎng）魎（liǎng），请乞福佑，欲冀（jì）延年，终不能得。愚痴迷惑，信邪倒（dào）见，遂令横死，入于地狱，无有出期。是名初横。二者，横被王法之所诛戮（lù）。三者，畋（tián）猎嬉戏，耽（dān）淫嗜酒，放逸无度，横为非人夺其精气。四者，横为火焚。五者，横为水溺（nì）。六者，横为种种恶兽所噉（dàn）。七者，横堕山崖。八者，横为毒药、厌（yǎn）祷、咒诅、起尸鬼等之所中（zhòng）害。九者，饥渴所困，不得饮食而便横死。

是为如来略说横死，有此九种。其余复有无量诸横，难可具说。

复次，阿难，彼琰魔王，主领世间，名籍之记，若诸有情，不孝五逆，破辱三宝，坏君臣法，毁于信戒，琰魔法王，随罪轻重，考而罚之。是故我今劝诸有情，然灯造幡，放生修福，令度苦厄，不遭众难。”

尔时，众中有十二药叉大将，俱在会坐，所谓：

宫毗罗大将，伐折罗大将，迷企罗大将，安底罗大将，𧄢（ò）你罗大将，珊底罗大将，因达罗大将，波夷罗大将，摩虎罗大将，真达罗大将，招杜罗大将，毗羯（jié）罗大将。

此十二药叉大将，一一各有七千药叉，以为眷属，同时举声白佛言：“世尊，我等今者，蒙佛威力，得闻世尊药师琉璃光如来名号，不复更有，恶趣之怖。我等相率（shuài），皆同一心，乃至尽形，归佛法僧，誓当荷负，一切有情，为作义利，饶益安乐。

随于何等村城、国邑（yì），空闲林中，若有流布此经，或复受持药师琉璃光如来名号，恭敬供养者，我等眷属，卫护是人，皆使解脱，一切苦难。诸有愿求，悉令满足。或有疾厄，求度脱者，亦应读诵此经，以五色缕（lǚ），结我名字，得如愿已，然后解结。”

尔时，世尊赞诸药叉大将言：“善哉，善哉！大药叉将，汝等念报世尊药师琉璃光如来恩德者，常应如是利益安乐一切有情。”

尔时，阿难白佛言：“世尊，当何名此法门？我等云何奉持？”

佛告阿难：“此法门名说药师琉璃光如来本愿功德，亦名说十二神将饶益有情结愿神咒，亦名拔除一切业障。应如是持。”

时薄伽梵说是语已，诸菩萨摩诃萨，及大声闻、国王、大臣、婆罗门、居士、天、龙、药叉、捷达缚、阿素洛、揭路荼（tú）、紧捺（nà）洛、莫呼洛伽、人、非人等，一切大众，闻佛所说，皆大欢喜，信受奉行。

药师赞

十二大愿 饶益有情 密咒加持德难名

礼念愿圆成 冤业冰清 寿永福慧宏

南无药师琉璃光如来（三称）

南无日光遍照菩萨（三称）

南无月光遍照菩萨（三称）

药师琉璃光如来本愿功德经（竟）

药师经赞

十二药叉大将 助佛宣扬 五色彩缕结其名 随
愿悉圆成 冤业冰清 福寿永康宁

药师教主 延寿能仁 日光普照月光临 菩萨降
福隆 药叉神明 拥护保安宁

药师会上 炽盛光王 十二大愿妙难量 苦海作
舟航 广大吉祥 诸佛尽称扬

药师会上 琉璃光王 八大菩萨降吉祥 七佛护
坛场 日月威光 灭罪免灾殃

药师大愿 功德无边 大千沙界尽包含 宝地布
金莲 我佛弘宣 福寿广增延

药师佛赞

药师佛 延寿王 光临水月坛场

悲心救苦降吉祥 免难消灾障

忏悔众等三世罪 愿祈福寿绵长

吉星高照沐恩光 如意保安康。

药师佛偈

药师如来琉璃光 焰网庄严无等伦

无边行愿利有情 各遂所求皆不退

药师七佛

南无善名称吉祥王如来

南无宝月智严光音自在王如来

南无金色宝光妙行成就如来

南无无忧最胜吉祥如来

南无法海雷音如来

南无法海胜慧游戏神通如来

南无药师琉璃光如来

药师琉璃光如来灌顶大陀罗尼

(十二神将饶益有情结愿神咒)

南无囉怛那怛啰夜耶。

南无宫毗罗、嚩折罗、迷企罗、安底罗、頞你罗、
珊底罗、因达罗、波夷罗、摩虎罗、真达罗、
招杜罗、毗羯罗 菩萨摩訶萨。

南无薄伽伐帝 佩杀社 娑嚧

毗琉璃 钵啰婆 啰闍也

怛他揭多也 阿啰喝帝 三藐三勃陀也

怛侄他 唵 佩杀逝 佩杀逝

佩杀社 三没揭帝 娑訶。

解冤偈

解结解结解冤结 解了多生冤和业

洗心涤虑发虔诚 今对佛前求解结

药师佛 药师佛 消灾延寿药师佛

随心满愿药师佛

忏悔偈

往昔所造诸恶业 皆由无始贪嗔痴

从身语意之所生 一切我今皆忏悔

三皈依

自皈依佛 当愿众生 体解大道 发无上心
自皈依法 当愿众生 深入经藏 智慧如海
自皈依僧 当愿众生 统理大众 一切无碍
和南圣众

补阙真言（三遍）

南无囉怛那怛啰夜耶

佉啰佉啰 俱住俱住 摩啰摩啰

虎啰 吽 贺贺 苏怛拏 吽 拔抹拏 娑婆诃

补阙圆满真言（三遍）

唵 呼嚧呼嚧 社曳穆契 娑诃。

普回向真言（三遍）

唵 娑摩啰 娑摩啰

弥摩曩 萨嚩诃

摩诃斫迦啰嚩吽

回向偈

诵经功德殊胜行 无边胜福皆回向
普愿沉溺诸有情 速往无量光佛刹
十方三世一切佛 一切菩萨摩诃萨
摩诃般若波罗蜜

愿消三障诸烦恼 愿得智慧真明了
普愿罪障悉消除 世世常行菩萨道

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

回向：

弟子众等，心香诚献，伏祈诸佛，不违本愿。作我依怙，救我厄难，消我众病，免我毒患。灭我烦恼，除我痴暗，施我安乐，究竟涅槃。见闻随喜，共结胜缘，齐发大心，同登彼岸。